

insigel. Gegeben nach gotes geburt tusent jar dryhundirt jar in dem sibir unde sechzigesten jare, an dem nestin donirstage nach unser lieben vrowen tage wurczewyhe.

149. *Heinrich Reuß der Ältere, Vogt von Plauen, bestätigt als Lehnherr den zwischen Kunz von Hermannsgrün und Zwickauer Bürgern abgeschlossenen Kaufvertrag über das Haarholz und einen Hof zu Wiesen.*

1367 August 21

*Original nicht zu ermitteln. — Abschrift: Stadtarchiv Zwickau, A*A I 18 Nr. 4 (14./15. Jh.) (B); Papier: 30,5 cm breit, 22 cm hoch. — Edition: UB Vögte II, S. 132 f., Nr. 162.*

Wyr Heynrich der elder voyt von Plawen genant der Rewse unde herre tzu Greücz unde unser erben bekennen und thun kunt offentlich allen den, dy disen brief sehen ader horen lesen, daz wyr mit wolbedachtem mute unde mit gutem willen unde auch mit rate unser lieben getrün man, dy hernach geschriben sten, lihen unde gelihen haben durch besunderlichen libe und freüntschafft wyllen Opecz Lazan, Hennel Storch, Mertin von Plawen unde Hennel Dytmar, burger czu Czwickaw, daz Hartholcz, wysen unde ecker, dy czu dem selben holcz gehören und den hoff czu der Wysen mit eckern und mit wysen, dy da czu gehören, als dy Heinrich Plonswicz von uns gehabt hat, dy wyr yn, iren erben, meyden, frawen unde mannen unde knechten gelihen haben czu rechtem erbe nach kawfrecht unde czu vier groschen tynses, dy si und yr nachkumlinge uns und unsern nachkumlinge alle yar sullen tzynsen halp auf sent Michels^{a)} tag und halb auf sent Walpurg tag. Den czinsz wir sullen und wollen lazen nemen unser dyener, wen sy tzu den cziten ken Czwickaw komen, und ob sich dy cinstag vorrückten, daz schal yn ane geverde und schaden seyn. Auch geloben wir yn, ob ir eyner dem andern daz selbe holcz, den hof, dy wisen unde ecker wolde lazen ader vorkauffen, daz dy lehen nicht mynner craft sullen haben, wen als wir sy hi getan haben, wen wir sy czu sammede lihen haben, und wene sy ader yr einer seinen teyl vorkauffen wolde, wem sy ader ir einer dy vorkauften, dy wollen wir ader unser nachkumlinge lihen mit allen^{b)} den rechten, als sy ez von uns haben enphangen. Auch geloben wir yn, yren erben und nachkumlingen an den selben gūten keynen gedranc, frone, dinst noch bet czu thun, were als vil, waz ander unser man in unser herschafft gemeynlichen ken uns thun, daz sullen sy auch thun. Daz selbe holcz und gūt vorbenant haben sy recht unde redlich gekauft wyder Cuntzen von Hermansgrüne, der unde seyn erben yn eyn recht gewer sol daran sein^{c)}. Der vorbeschriben red und stuck seyn gezeüge unser liben getrewen man Heincz von Hermansgrüne, Luppolt von Wolframstorf, Heincz von Rudnicz, Luppolt von Nuenmarckt, Hans von Schounawe, Heinrich Passeck und ander vil getraw lewte. Und dar ume, daz wir und unse nachkumlinge alle dyse vorgeschriben red stat, gantz und unvorwandelich wollen und sullen halden an geverd unde an argelist, dez haben wir in disen offen briff gegeben czu czeugenuß und czu urkund gesterkt unde gemechtigt mit unserm grozzen anhangenden insigel. Der ist gegeben in dem yar, als man czalt von Cristi geburt dreyczehen-